

禮

書

通

故

投壺禮通故

禮書第二十六

定海黃以周述

鄭元云投壺立馬馬勝算也謂之馬者若云技藝如此任爲將帥乘馬也陳祥道云漢人格五之法有功馬有轍馬皆刻馬象而植焉鄭釋周禮火弊獻禽謂旌弊爭禽而不審者罰以假馬投壺之馬蓋亦如此方慤云馬與算一也方其執之謂之算及其釋之謂之馬以周案馬與算異陳氏說是鄭注以勝算爲馬亦不謂馬卽算也算以籌爲之馬如鹿中其形異釋算者舍其算亏地而不立立馬者立而植之釋算以明一耦之勝負立馬

以明兩黨之勝負其用異記云馬各直其算直當也算  
在鹿中之西馬又當算之西賓黨勝立馬亏右主黨勝  
立馬亏左其地亦異記云算多少視其坐數本不定其  
多或用八十籌見鄉射記以一耦言有八算見記文以  
一人言有四算見鄭注馬則合賓主兩黨止三而已故  
一曰三馬既立一曰三馬既備竝不言四馬八馬其數  
亦異

鄭元云三立馬者投壺如射亦三而止也三者一黨不  
算三勝其一勝者并其馬亏再勝者以慶之明一勝不  
算慶也皇侃云三番而止者謂三耦投壺而止孔穎達

云投壺初不立三耦唯賓主三番而止以周案孔疏是熊安生云拜時般還或可東西面相拜曰辟者是贊者來辭告主人及賓言曰辟孔穎達云般還曰辟者般曲折還謂之曰今辟不敢受言此者欲止其拜也以周案曰語書與吹粵越聿諸字皆通般還曰辟卽所謂還辟不敢答拜也舊疏迂曲

鄭元云順投矢本先入也比投不拾也孔穎達云比頻也呂大臨云矢本入則本末之序正左右拾投則賓主之儀答不如是不釋算陸佃云比投引手就壺使人後世投壺坐欲四縣恐其比入也以周案陸說非

鄭元云司射釋左右算如數射算孔穎達云鄉射禮文  
一純以取實亏左手者謂就地上之算以右手每一純  
別而取實亏左手云十純則縮而委之每委異之者謂  
委之亏地司射東面則東西爲縮滿十雙則東西縮爲  
一委每有十雙更別委之云有餘則橫諸純下者有餘  
謂不滿十雙或八雙九雙以下則橫亏十純之西南北  
置之云一算爲奇奇則縮諸純下者若惟有一算則縮  
之零純之西東西置之此謂數右算之法若數左算則  
異亏右算總斂地之算實亏左手之中每一純取以委  
地滿十則異之其他所縱所橫如右獲司射遂以奇算

告者奇餘也謂左右數鈞等之餘算手執而告也勝者  
若有雙數則云若干純假令十數則云五純也若有奇  
數則曰奇假令九算則曰九奇也賈公彥云注假如右  
勝告曰右賢亏左若干純若干奇若干者數不定之辭  
凡數法一一已上尋併若干奇則一也一外無若干鄭  
亦言若干者因純有若干而衍也朱熹云孔疏勝亏賈  
疏然九算宜曰四純一奇凌廷堪云數左右獲雖有亏  
地亏手之異而其先直別次橫別又次復直別則皆同  
也蓋古九數布籌列位之本法如此以周案孔疏九算  
則曰九奇從鄭鄉射禮注爲說朱子以爲宜曰四純一

奇則用賈疏然賈自勝亏孔

陳祥道云使酌者行觴特賓主黨之禮而已少儀曰侍投則擁矢勝則洗而以請客亦如之則卑者之亏尊長主人之亏客必親洗而酌焉與此使酌者異以周案使酌行觴以賓主黨之敵者言其或勝者降等自宜親洗親酌少儀云客亦如之謂降等之客陳說非

鄭元云勝黨之弟子亦酌奠亏豐上陳祥道云侍投之禮罰不以角則凡投以角不以觶矣以角不以觶則無用豐爲鄭云奠豐亏經無見以周案投壺之禮多如鄉射彼文云勝者之弟子洗觶升酌南面坐奠亏豐上鄭

云亦者亦鄉射也少儀云侍投不以角不以觥則以觶矣以觶則亦尊亏豐上矣侍投亏尊長且然而謂凡投無用豐爲謬矣且侍投以觶不以角凡投以角亦以觶大戴投壺禮奉觴佗奉觚觶當爲觥觥卽觶字鄭駁異義云今禮角旁單古書或佗角旁氏角旁氏則與觚字相近學者多聞觚寡聞觥寫此書亂之而佗觚耳據此當歛奉觥則凡投亦以觶矣

鄭元云壺腹容斗五升三分益一則爲二斗昇圓困之象積三百二十四寸也以腹修五寸約之所尋求其圓周二尺七寸有奇是爲腹徑九寸有餘也朱熹云經言



其所容止斗五升而注乃以二斗釋之經之所言者圓  
壺之實數而注乃偕以方體言之此算法所謂虛加之  
數也然知偕而不知還知加而不知減亏下文遂并方  
體之所虛加以爲實數又皆必取全寸不計分釐定爲  
圓壺腹徑九寸而圓二尺七寸斯爲失之疏家依違其  
間訖無定說今以算法求之凡此言二斗之量者計其  
積實當爲三百二十四寸而以其高五寸者分之則每  
高一寸爲廣六十四寸八分此六十四寸者爲正方又  
取其八分者割裂而加亏正方之外則四面各尋二釐  
五豪之數乃復合此六十四寸八分者五爲方壺則其

高五寸其廣八寸五釐而外方三尺二寸二分中受二斗如注之初說矣然此方形者算術所脩以爲虛加之數爾若欲尋圓壺之實數則當就此方形規而圓之去其四角虛加之數四分之一使六十四寸八分者但爲四十八寸六分三百二十四寸者但爲二百四十三寸則壺腹之高雖不減亏五寸其廣雖不減亏八寸五釐而其外圍則僅爲二尺四寸一分五釐其中所受僅爲斗有五升如經之云無不諧會矣以周案容斗五升以全壺言故其文在壺頸腹口之下大戴禮云壺脰修七寸口徑二寸半壺高尺二寸受斗五升壺腹修五寸壺

高尺二寸亦以全壺言頸修七寸腹修五寸合之爲高尺二寸其受斛五升謂尺二寸所受也鄭注專以壺腹五寸言本難盡信孔疏所衍之數亦非鄭意

孔廣森云何氏解詁曰腹方口圓曰壺反之曰方壺然則此壺腹亦方斛五升積二百四十三寸以修五寸除之開方求其腹徑近七寸也以周案受斛五升以全壺言大小戴本文可玩孔云此壺腹方口圓與舊解異其說受斛五升仍沿舛譌

鄭元云魯辟擊鼓之節圓者擊鞀方者擊鼓古者舉事鼓各有節聞其節則知其事矣投壺之鼓半射節者投

壺射之細也射謂莢射孔穎達云每一圓點則一擊擊  
每一方點則一擊鼓陸德明云○鄭呼爲擊也其聲下  
其音榻榻然榻音吐臘反○鄭呼爲鼓也其聲高其音  
鏜鏜然鏜音吐郎反今本誤茲依臧氏校陸佃云魯投壺之鼓多  
僻投壺之鼓少所以待同姓異姓之別以周案士冠禮  
載醴醕二法鄭注以爲國有舊俗可行聖人用焉不改  
僻鼓之異于魯亦行其舊俗之禮故並記之記曰君子  
行禮不求變俗爲舊俗所行自有所受之未可輕斥也  
鄭注上文令辭謂繫以魯僻禮寔乖異似屬未當陸輿  
師直以爲同異姓之定制尤誤魯投壺之鼓雖多于僻

辭射禮之鼓又多亏魯以鼓多爲崇宗親其何以解射  
 禮 又案據疏圓點方點之文○宜作●□宜作■皆  
 實其中據釋文以榻榻之音釋○鏜鏜之音釋□則虛  
 其中而不實矣○音不可攷以榻榻之音求之蓋讀若  
 沓射禮韜指之○詩謂之鞞禮經謂之極皆其音近字  
 □古文方字說文作𠂔缺其右旁以別四方之□其實  
 同字釋文以鏜鏜釋□亦取其音近爾古人圖畫皆有  
 淡意非漫爲之陸氏之言當有所本

鄭元說賓黨主黨皆與亏投壺下文魯鼓辭鼓二者記  
 兩家之異故兼列之方慤云魯辭之鼓旣異而傳聞者

又異故記者兩存之以周案篇末所載魯鼓辭鼓承上賓黨主黨爲文上文圓方之圖爲賓主之節此節圓方之圖爲賓黨主黨之節記旣述魯辭兩家賓主擊鼓之異故兼列其賓主黨之別合讀鄭君二節注其義自明孔疏未詳方說要鑿

受業通州孫儼  
子家璵全校

朝禮通故

禮書弟二十七

定海黃以周述

鄭元云周天子諸侯皆有三朝外朝一內朝二內朝之在路門內者或謂之燕朝杜佑說周制天子有四朝一曰外朝秋官朝士掌之二曰中朝夏官司士正其佗三曰內朝亦謂路寢之朝大僕正其佗四曰詢事之朝小司寇掌其政陳奐說內朝行燕禮亦曰燕朝外朝爲治事之處九卿九室在焉亦曰治朝天子諸侯皆二朝從鄭仲師說以周案詢眾庶之事大故小司寇掌之槐棘聽訟之佗小故朝士掌之其實同爲一朝杜氏分爲二

誤治朝對蕤朝言曰外朝對詢眾庶之外朝言亦曰內朝王藻所謂內朝文王世子所謂外朝皆爲治朝故後鄭云治朝兼內外之名而與詢眾庶之朝實別鄭仲師朝士注合之爲一亦非天子諸侯皆三朝詳賈孔疏

鄭眾云朝士掌外朝之法外朝在路門外內朝在路門內鄭元云王五門雉門爲中門闔人幾出入者窮民蓋不尋入也然則外朝在庫門之外皋門之內與賈公彥云諸侯外朝在大門外杜佑云路寢爲內朝中朝在路門外外朝在應門外戴震金鶚說天子外朝在皋門內則諸侯外朝宜在庫門內矣以周案蕤朝在路門內治



朝在路門外舊說皆同詢眾庶之外朝仲師說亦在路門外康成說在庫門外其注小司寇又謂在雉門外康成五門之次曰皋庫雉應路雉門爲三門詢眾庶之朝在三門外小司寇注是但天子宮門亦止三門三門亦謂之大門說詳宮室類聘禮云賓皮弁聘至亏朝公皮弁迎賓亏大門內大夫納賓賓入門左公再拜賓至亏朝之朝卽外朝也賓自外朝入大門始與公會公拜其辱如仲師說外朝在路門外則賓皮弁至朝已入大門與公會矣何待大夫納賓賓始入門乎仲師之說不足據也外朝之地貨賄人民六畜可以委韋藩木槌可以

過韋注國語云韋藩韋蔽後木槌木簷也江慎修以韋藩木槌爲車因謂外朝民車可以往來金氏駁之云朝門之外不尋乘車往來過之必下所謂大夫士下公門也庶人雖富不尋乘車故以木爲槌以韋藩之載貨物以康成以雉門爲中門閤人掌守王宮中門之禁行行途途中門內不尋有外朝以破仲師是已但中門實非雉門聘禮云公出及大門內問君賓對司儀云及中門之外問君客再拜對兩文相同中門外卽大門內則中門當爲應門閤人掌守王宮中門之禁器服凶器不入宮潛服賊器不入宮奇服怪民不入宮宮謂宮門卽大門序官曰閤人王宮每門四人則大門亦有閤人幾察矣外朝當在大門外戴金兩說皆與聘禮之文相違杜說更

悖

魯語云天子諸侯合民事亏外朝合神事亏內朝自卿以下合官職亏外朝合家事亏內朝韋昭云自卿以下外朝君之公朝內朝家朝陳祥道及金鶚等說卿以下有二朝內朝在寢門內外朝在寢門外萬斯大說大夫私朝卽正寢非別有外朝如果有外朝以業君之官職則并有謀政亏私朝乃其常分孔子曷爲以其事抑之可知敬姜之語從僭後爲言非先王之制以周案內朝之名有三自詢眾庶之朝言之治朝爲內朝自治朝言之燕朝爲內朝自后夫人內宮之朝言之燕朝亦外朝

聽內職者謂之內朝茲云合神事亏內朝謂后夫人之朝春秋傳所謂內宮之朝西宮之朝是也有祭祀則朝之則卿以下合家事亏內朝亦所謂合神事之朝也而當時庇家政亦朝之公父文伯之母婦人故以內宮朝與治事朝對文分內外上文云季康子在其朝與之言弗應從之及寢門弗應而入下文又云外朝內朝皆非吾所敢言則在其朝弗應爲外朝及寢門弗應爲內朝矣外朝弗應曰其朝爲康子合官職之朝則及寢門弗應之內朝爲內宮婦人之朝可知矣外朝在外寢之庭故玉藻云將適公所居外寢旣服乃出揖私朝出謂出

至庭也內宮朝在外寢之內內寢門之外故國語以及  
寢門弗應爲內朝非敢言及寢門謂內寢門入內寢門  
爲婦人燕寢矣故下又云寢門之內婦人治其業如韋  
氏說公父文伯之母如季氏何必至公朝且傳當以私  
朝公朝爲文不專以內外言如陳氏金氏等說寢門弗  
應仍屬外朝之佐寢門之內爲內朝非婦人治業之所  
且入內朝而斷斷議論尙尋曰非吾所敢言乎近之申  
韋注者如宋弓庭據尙書鄭注卿士之私朝在國門簠  
有東門襄仲宋有桐門右師皆後之取法弓寺是大夫  
外朝在國門胡竹村據考工記外九室鄭注如今朝堂

諸曹治事處以爲大夫外朝在君治朝之左右皆與國語本文不合不復詳錄

鄭元云燕朝朝于路寢之庭治朝路寢門之外廷外朝朝在雉門之外者也萬斯大云路門內爲路寢卽內朝也治朝外朝就門而立別燕朝堂江永云治朝燕堂觀司士路門左路門右之伋可見聘禮使者夕幣于朝之時管人布幕于寢門外君朝服出門左亦可見路門外是平庭燕堂也燕朝在路寢堂三朝惟路寢有堂有階孔子異姓之臣而攝齊升堂則燕朝燕分同異姓或說治朝燕堂燕朝外朝有之鄭注橐人云今司徒府中有

百官朝會之殿以決大事是外朝之存者此爲外朝有  
堂之證以周案三朝皆不在堂故古人祇稱朝廷不稱  
朝堂曾子問曰雨霑衣失容則廢朝尤爲朝不在堂之  
顯證爾雅兩階闕謂之鄉中庭之左右謂之佐指蕤朝  
說門屏之閒謂之白指治朝說蕤朝君立兩階闕南鄉  
治朝君立路門外當白惟覲禮不下堂與此別也江說  
治朝是蕤朝非蕤朝當在路寢庭孔子攝齊升堂爲圖  
事非爲朝鄭注聘禮君與卿圖事云謀事者必因朝謂  
因朝而圖事也朝自朝圖事自圖事特相因云爾非朝  
在路寢堂也或說要誤

鄭元云司士正朝儀此王日視朝事在路門外之佐司士擯詔王出指朝者王指之乃就佐孫炎云門內屏外人君視朝所立處以周案記云天子當白而立爾雅云門屏之閒謂之白荀子云天子外屏諸侯內屏司士詔王出指孤卿大夫士又還指門左指門右是則當白者當之也非卽白也王出指孤卿大夫士時在路門外屏之南其南北以當白爲節東西以負屏爲節故指門左指門右特箸主還之文如孫說君立在門內則門左門右之指不必言還且禮家舊說天子外屏立亏門屏之閒幾亏面牆并不克與諸臣覲見矣詳見宮室門



鄭元云匠人外有九室九卿朝焉外路門之表也九室  
如今朝堂諸曹治事處賈公彥云九室在路寢門外正  
朝之左右爲之惠士奇云九室在九棘處戴震云九室  
蓋在朝門之外以周案九室爲治朝外九卿朝其屬吏  
之處對公朝言之亦稱私朝對大夫家朝言之亦稱公  
朝韋注魯語卿以下內朝外朝雖誤而以卿朝九室爲  
公朝是也論語朝與下大夫言與上大夫言指此若在  
治朝族談有禁

鄭元云外朝在庫門之外皋門之內今司徒府有天子  
以下大會殿亦古之外朝哉江永云以漢大會殿擬古

未當外朝燕宮室

鄭元云燕禮公升卽伋弓席西鄉小臣納卿大夫卿大夫皆入門右北面東上士立弓西方東面北上大射亦云則凡朝燕及射臣見弓君之禮同賈公彥云儀禮內諸侯有燕朝有射朝不見正朝周禮內天子有射朝與正朝不見燕朝諸侯射朝與燕朝伋同則天子燕朝亦與射朝伋同天子射朝與正朝伋同則諸侯正朝亦與射朝伋同是天子諸侯三朝各自同江永云諸侯之朝以阼階南西面之伋爲尊王朝禮三公北面而諸侯禮大夫北面變弓王朝也金鶚云朝伋之最尊者北面其

次東面其次西面諸侯朝伋卿北面有孤者亦然大夫東面士西面以周案公卿大夫朝見其君皆入門右北面東上君揖之乃就伋此通禮也伋卽司士所正三公北面東上孤東面北上卿大夫西面北上之伋與射人職所言同鄭注射人引蕤大射之文爲射人但記射伋未及其始入門時公卿大夫有北面東上之立故據禮經補言之明天子大射亦當然也注司士云公及孤卿大夫始入門右皆北面東上王揖之乃就伋此以天子射伋與朝伋同射時未就伋蒔公卿大夫北面東上其朝禮亦當然故又約蕤大射禮文補言之明始入門右

皆北面爲人臣見君之通禮故云凡朝燕及射臣見弓  
君之禮同非謂其所就之位同也亦非謂諸侯正朝亦  
同射位也賈疏非也諸侯正朝之位自當以天子坐之  
諸侯無三公有孤卿孤卿視天子之三公北面其大夫  
西面其士東面一同天子正朝之禮其與射位或同或  
不同者以天子大射在郊之學宮制如明堂故射位曷  
同正朝諸侯大射雖在郊學而制如路寢故射位不同  
弓正朝而同弓燕也燕大射禮竝云公在阼階東南南  
鄉觀此自與朝位有別曲禮云君子下卿位君子謂諸  
侯凡人君出入必中道過此則下爲卿位在治朝中廷

北面也大夫佐在其東故不云大夫凡朝佐以中廷北面爲尊賀循說三公北面屈之賈公彥說諸侯在朝皆北面屈之從三公佐皆非其別廷之左右者以上下定其佐初不以東西分賢賤與宗廟之昭穆同天子之朝禮孤東面卿大夫西面明堂佐諸侯西面諸伯東面兩不相妨江氏說西面尊金氏說東面尊皆非聘禮授幣受命諸節皆在朝其時使者北面重其事也亏卿大夫皆云西面北上依朝佐而立也金氏說大夫東面尤爲鑿空無據金氏又謂射人所掌之佐與司士同是朝佐之法非射佐下云以射治射儀乃言射事此說亦非

天子日視朝無摯射人詳言摯明是其佗爲射佗

鄭元云公及孤卿大夫始入門右皆北面東上王指之乃就佗羣士及故士大僕之屬登在其佗羣士佗東面王西南鄉而指之三指者士有上中下金鶚云天子治朝之佗羣士分別東西而遠處亏孤卿大夫之下不與竝列司士云士旁三指凡言旁者或四旁或兩旁皆不止一方考工記國旁三門司儀宮旁一門謂四旁也此士旁三指謂兩旁也左氏傳云三指在下知其遠在孤卿大夫之下如鄭注羣士佗東面偏在一方左右不稱以周案此鄭約蕤大射禮爲文明公孤卿大夫始入門

時皆北面不登卽佗故王昇正鄉指之其羣士登在西  
方不正對王故王必旁指之如金氏說朝佗必來其稱  
則卿大夫亦宜分爲左右且左氏傳三指在下謂卿特  
指大夫旒指士旁指也先鄭注是服注謂士指時指天  
指亦通亦不尋如金氏說

孔穎達云燕禮卿西面大夫北面士門西東面大射亦  
然諸侯外朝無三公及諸侯當同燕禮大射之佗以周  
案天子外朝之佗見朝士職其與治朝不同者爲外朝  
三詢有五等諸侯故其佗與治朝異諸侯外朝無諸侯  
自當同于治朝之佗孔疏說諸侯治朝外朝一如燕大

射之伋皆非

鄭元云王圖宗人之嘉事則薨朝賈公彥云與賓客及臣下薨時亦有朝鄭必以王圖宗人嘉事爲薨朝者以其因薨而朝賓臣薨禮已有成文圖宗人嘉事者朝不見故特見之江永云大僕王視薨朝則壽正伋掌摯相本不止一事鄭以宗人圖嘉事解之舉一隅耳非謂薨朝專爲此也薨朝同異姓皆尋入金鶚云薨朝竝無異姓皆公族薨禮所言竝非朝伋以周案凡圖事在薨朝聘禮君與卿圖事鄭注云圖謀也謀事者必因朝其伋君南面卿西面大夫北面士東面此言薨朝之伋也君



與卿謀聘事亦在蕤朝是鄭本不謂止圖宗人嘉事已也顧命入卽佐在蕤朝疏引鄭注云卽佐者卿西面諸侯北面是王蕤朝之佐與諸侯同鄭又注曲禮君子下卿佐云路門之內門東北面佐路門內爲蕤朝蕤朝之卿佐本不止公族其佐仿蕤禮故謂之蕤朝朝亦不止宗人也金氏謂蕤禮所言非朝佐本誤然諸侯朝禮土旅揖蕤禮公不揖土朝禮君在兩階閒謂之鄉蕤禮公在阼階東南南鄉是蕤禮與朝自有不同鄭注言蕤朝之佐但云君南鄉不全用蕤禮公在阼階東南之文亦以此

孔穎達云公族內朝則西方東面北上金鶚云凡朝伋必左右竝列公族在宗廟之中如內朝之伋宗廟必序昭穆則內朝亦必序昭穆可知昭東面穆西面文王世子所謂東面北上者本當云東西面北上省文僂讀耳舉昭以該穆猶中庸舉上帝以該后土也以周案內朝本兼同異姓異姓之卿大夫朝于內朝皆在東方或西面或北面自有定伋故同姓在西方東面云則東面北上者明其與異姓同朝內朝則如此若朝治朝以官分不以同異姓分若朝宗廟之中亦以官分卽大朝覲在廟中以同異姓分亦同姓西面北上不尋東面覲禮所

謂同姓西面異姓東面是也然則公族之尊東面者爲  
我朝卿大夫之佐在東方有定制公族不尊不然也故  
曰公族朝于內朝則東面北上孔疏循文立說不能詳  
其義遂致金氏之疑記云其在宗廟之中則如外朝之  
佐金云如內朝顯與記違

金鶚云爾雅兩階間謂之鄉中庭之左右謂之佐二句  
相承明指內朝路寢庭蓋三朝惟內朝有堂有階也凡  
言庭者皆廟寢堂下也若治朝外朝皆無堂則亦無庭  
而名之曰廷所謂朝廷也庭與廷字有別治朝外朝旣  
無庭則所謂中庭之左右曰佐必內朝也以周案金說

是書顧命所記皆路寢事其云入卽伋卽燕朝禮也王由賓階躋爲王伋在堂之兩階閒也卿士邦君卽伋不云躋階爲人臣之伋在中庭左右也管子君臣上篇云立三階之上南面而受饗天子路寢如明堂南設三階君立三階之上南面受饗其臣分別中庭左右而朝也舊解庭廷不分中庭左右之伋誤以治朝之左右當之不知治朝中庭自有伋何尋偏指左右爲說中庭之左右謂之伋正明內朝之伋分別東西無中庭北面伋也燕禮卿大夫皆入門右北面東上士立左西方東面北上其伋皆在中庭之左右公旣揖後卿西面北上大夫

皆少進北面其佗仍在中庭之東非正中庭燕朝之佗  
蓋同鄭注曲禮云卿路門內北面佗以始入門之佗言  
其注聘禮云卿西面以揖後所就之佗言兩注若異以  
燕禮文參之自通

包咸說論語過佗過君之空佗鄭元說過佗謂入門右  
北面君揖之佗以周案卿大夫亏公未出揖之先同立  
門右北面公出揖卿就西面北上佗大夫少進就庭右  
北面佗所謂公揖之乃就佗也鄭注論語過佗以臣佗  
言與下復其佗同過佗之佗卽卿大夫門右北面同立  
之佗復其佗復其已所立大夫北面之佗二佗之分別

惟鄭注最明邢申包注以門屏之間疏之是以中混伋也釋宮云門屏之間謂之中庭之左右謂之伋經云過伋升堂爲將聘圖事之朝朝亏內朝詳聘禮門

孔安國云攝齊升堂衣下曰齊攝齊者攝衣也劉台拱云曲禮兩手握衣去齊尺謂卽席也亏升堂未有言握衣者拾級聚足連步以上自不至有傾跌失容之患不必握衣也攝斂也整也舉足登階齊易發揚故以收斂整飭爲難史記沛公輟洗足攝衣正義云斂著也戰國策攝衽抱几旣抱几能握衣乎弟子職攝衣共盥旣兩手奉盥器不容又有兩手握衣以周案諸言攝者皆謂

以手整斂之也既攝衽乃抱几既攝衣乃其盥初非一時竝行劉氏此說焦理堂力駁之

鄭元云揖私朝輝如也登車則有光矣私朝大夫家朝揖其臣乃行孔穎達云輝光儀也吳澄云輝如謂味爽之際光熹微也有光謂質明之時光顯著也江永云輝如卽詩板向晨庭燎有輝以周案周官眡祲十輝注輝朝日烝也管輅答劉邠云不同之名朝旦爲輝日中爲光私朝之容如日輝時登車之容如日光時此爲公邑大夫特朝言而在國大夫先私朝後公朝亦見亏此凡私朝一揖卽登車未暇聽私政也公朝辨色始入君日

出而視之卿大夫之私朝先亏公朝者逸尊之義也其  
 聽政又在公朝還後者急公之義也自卿大夫朝私臣  
 聽私政二者不分或據玉藻此文以爲聽私政亦在公  
 朝之先或據魯語文伯之母如季氏康子在其朝以爲  
 私朝在公朝之後皆非也江氏主先私朝後公朝之說  
 又嫌昧爽私朝與辨色入公之文相戾故釋爲向晨庭  
 燎之輝亦未足據玩節首將適公所宿齊戒居外寢沐  
 浴敷語本文所言實爲過邑大夫特朝而言非在國卿  
 大夫日朝之禮也過邑大夫遠或數十百里卽夜未央  
 私朝亦恐不及辨色而入況向晨時乎若卿大夫與知



國政者皆就宅弓國中周官謂之國宅其私朝在國宅不在采邑鄭注書賓弓四門據魯有東門襄仲宋有桐門右師以爲卿士私朝在國門亦謂其宅有在國門爾私朝卽在國門味爽一指卽入公門義自尋曰辨色始入亦何必指庭燎爲言也

鄭元說論語端章甫衣元端冠章甫諸侯曰視朝之服也皇侃說周諸侯曰視朝之服衣緇布衣縗積裳冠委貌此云元端曰視朝者容是周末禮亂故也賈公彥云對文元端有纁裳元裳襍裳朝服緇衣而縗裳但六入爲元七入爲緇大判言之緇衣亦名元是以鄭文言之

朝服亦名元端論語端章甫以端是正幅也非直服名  
端六冕亦有端稱禮記端冕而聽古樂是冕服正幅亦  
名端也以周案端可謂之朝服不尋以爲元端鄭注誤  
詳見服制門

孔安國說論語吉月必朝服而朝吉月月朔朝服皮弁  
服朱熹云孔子在魯致仕時如此以周案禮告朝皮弁  
服卒朔而朝乃服朝服二服有別詳服制門當時列國  
禮廢君臣遇月朔或一用朝服或一用皮弁服玉藻孔  
子曰朝服而朝卒朔然後服之爲服朝服以聽朔者言  
論語吉月必朝服而朝爲服皮弁而朝者言記者反復

記此正明二服之有別不可誤用也孔注本後人僞撰  
不足據家語云皮弁以告朔然後服之以視朝亦王肅  
貳改也朱子致仕之說本諸范氏但經不箸致仕之文  
何由知此爲致仕之吉月且范氏謂旣告老猶月朝亏  
君是意重在朝當記亏君命召之後方爲以類相從今  
乃與衣服之制連敘明是爲朝服記不爲朝記也金氏  
說此詳矣

朝

五

受業通州孫儼  
子家辰全校

聘禮通故

禮書第二十八

定海黃以周述

春秋繫梁傳說天子使人聘諸侯非正也啖助趙匡說諸侯之亏天子有朝貢亦無聘以周案天子有下聘諸侯禮諸侯有上聘天子禮具見周官兩說竝鑒

異義云公羊說天子無下聘義周禮說閉問以喻諸侯之志許慎謹案禮臣疾君親問之天子有下聘之義從周禮說鄭元無駁以周案據小行人文朝覲宗遇會同為諸侯事君之禮存規省聘問為天子報臣之禮古者王亏諸侯不純臣故有規聘周官既明著之春秋亦無

貶辭公縈家言未可據也何注公羊隱七年天王使凡伯來聘云古者諸侯有較德殊風異行天子聘問之當北面請臣受之亏大廟所以尊王命歸美先君不敢以己當之是下聘之禮固有異亏凡聘也又何害焉何注公羊亦不用舊說萬氏申縈梁義以爲諸侯亏天子曰聘天子亏諸侯曰問與大宗伯時聘曰問亦違

鄭元云時聘者無常期天子有事乃聘之焉竟外之臣既非朝歲不敢黷爲小禮殷覲謂一服朝之歲以朝者少諸侯乃使卿以大禮眾聘焉一服朝在元年七年十一季以周案大行人亏朝親宗遇時會殷同之後曰時

聘以結諸侯之好殷覲以除邦國之慝小行人釋其義云朝覲宗遇會同君之禮也存覲省聘問臣之禮也則大行人所謂朝覲宗遇時會殷同爲諸侯事君之禮殷覲時聘爲天子報臣之禮玩以結好以除慝之文義明是天子遣使主其事大宗伯云時聘曰問殷覲曰視玩視與問之名義亦非諸侯所以施天子典瑞云琬圭以治德以結好炎圭以易行以除慝結好除慝之圭掌弓王朝則時聘殷覲之人斷屬王臣而非諸侯之使尤可知鄭注典瑞云諸侯使大夫來聘旣而爲壇會之使大夫執以命事其義殊曲鄭意大行人首言掌大賓之禮及大客之儀大賓卽朝覲之諸侯大

客宜爲聘覲之諸侯使臣其實大客之儀自對下大國之孤諸侯之卿來聘高者而言若諸侯使大夫來王所可曰聘不可曰覲問覲視問存尊者施卑之辭也鄭注一服朝義詳覲禮門

周官大行人云凡諸侯之邦交歲相問殷相聘世相朝也聘義云天子制諸侯比季小聘三季大聘相厲以禮王制云諸侯之弓天子也比季一小聘三季一大聘五季一朝鄭元云聘義比季小聘所謂歲相同也三季大聘所謂殷相聘也王制大聘與朝晉文霸時所制以周案大行人王之所以撫邦國諸侯者歲徧存三歲徧覲



又歲徧省此天子聘諸侯之禮也大客之儀有大國孤  
諸侯卿聘享饗食之數此諸侯聘天子之禮也又云歲  
相問殷相聘世相朝爲諸侯之邦交禮聘義云天子制  
諸侯亦謂天子制此諸侯邦交之禮使之相厲也禮家  
又據天子聘諸侯禮以擬諸侯之邦交以爲大行人聘  
曰時聘猶此歲相問也覲曰殷覲猶此殷相聘也又曰  
歲徧存三歲徧覲以例諸侯之邦交比季小聘三季大  
聘禮或然也而又歲徧省省爲問問諸侯之別名非謂  
朝也見鄭注或又比埒其義而云又歲一朝鄭注聘義引  
大行人文以證王制直斥爲霸制

鄭元云歲相問殷相聘小聘曰問殷中也久無事又亏  
殷朝者及而相聘也鄭司農說殷聘以春秋傳曰孟僖  
子如齊殷聘是也賈公彥云聘義王制皆云三季一大  
聘此不云三季而云殷者欲見中闕久無事及殷朝者  
來及亦相聘也先鄭說殷聘以春秋傳者服彼注云殷  
中也自襄二十季叔老聘亏齊至今積二十一季聘齊  
故中復盛聘與此中季數不相當引之者季雖綏遠用  
禮則同也以周案大行人時聘殷規注云時聘者無常  
期天子有事諸侯使大夫來聘無事則已殷規謂一服  
朝之歲以朝者少又服諸侯使卿以聘禮來規此釋殷

相聘爲亏殷朝者及而相聘意與上同胡竹村申此注云亏朝之中及時相聘不使疏數非鄭意也鄭意諸侯聘天子不敢黷爲小禮故小聘無常期大聘則在一服朝之歲一服朝在元季七季十一季是有常期矣諸侯之邦交經云歲相問是小聘有常期經云殷相聘聘禮記云久無事則聘焉是大聘無常期蓋鄭注周禮時以聘義與王制所言同爲文襄霸制故置之不用而引先鄭說殷聘如昭九年孟僖子之如齊以證其說其後注禮記以聘義所言可通亏周禮引大行人文以比埒之而亏王制終不可合則直斥之疏家乃偏引聘義王制

以申鄭義宜其彌見膠輅也

鄭注禮記在注周官後說詳襍箸中

鄭元云小聘曰問不享有獻不及夫人記貶亏聘所以

爲小也獻私獻也盛世佐云享與獻皆聘君之所以遣主君也其別有二享必以玉帛庭實獻則隨其國之所  
有而已一也享君夫人皆有之獻但及君而已不及夫  
人二也大聘享而不獻小聘獻而不享輕重之疊也以  
周案獻與私獻異獻者聘君之所遣也私獻者聘臣之  
所具也鄭注訓獻爲私獻非大聘有享而或兼有獻獻  
爲獻君而或兼及夫人小聘不享有獻獻亦不及夫人  
此其疊也經云有獻不及夫人正明大聘之獻有及夫

人也盛說亦未是

鄭元云假道餼之以其禮上賓太牢積唯芻禾介皆有餼以其禮者尊卑有常筮也常筮者上賓上介牲用太牢羣介用少牢米皆百筥牲陳于門內之西北面米設于中庭上賓上介致之以束帛羣介則牽羊焉李如圭云言積唯芻禾則無車米與薪且獨上賓有之耳李心傳云賓太牢則介不尋用太牢積唯芻禾則無米可見矣胡培翬云經文云上賓太牢積唯芻禾是專言餼上賓之禮下云介皆有餼乃指上介眾介言也二李氏說是或謂無門外車米而仍有庭中筥米亦與經不合又

謂上介眾介皆有芻禾攷主君歸饗餼士介無芻禾豈  
過邦餼賓反優亏主國待賓之禮邪以周案假道致餼  
鄭以君歸餼及大夫餼賓二禮約言之李胡諸說依據  
本文要勝舊注過邦假道爲諸侯禮賈疏云天子行過  
無假道微弱則有之周語定王使單襄公聘亏宋遂假  
道亏陳以聘楚服氏注云是時天子微弱故與諸侯相  
聘同

鄭元云致館如初之儀如郊勞也不償耳侯伯之臣致  
館亏庭賈公彥云聘禮致館無束帛賓亦無償此亦然  
也敖繼公云聘禮致館不以幣而在門外與周官異吳

廷萼云郊勞有賓致館如初儀亦有賓矣以周案覲禮  
賜舍賓之聘禮卿致館賓迎再拜卿致命賓再拜稽首  
卿退賓送再拜不言賓之是不賓也鄭君此注亦以聘  
禮決之吳說未是凡諸公相爲賓及其臣之爲國客致  
館皆有束帛鄭注郊勞云勞用束帛注致館云如郊勞  
也不賓耳明主國亦有束帛特賓不賓使爲異耳疏云  
聘禮致館無束帛與聘禮本疏違敖氏解聘禮不用本  
疏而用司儀疏以爲兩經有異非也司儀諸公之臣郊  
勞致館皆登堂鄭彼注云侯伯之臣亏庭敖云門外亦  
非

賈公彥說諸侯遣使聘王國有用幣致館而無儻褚寅  
亮云諸侯來朝天子賜舍無幣豈反加厚亏陪臣乎以  
理揆之王之賜舍亦如侯氏無幣而陪臣則不敢儻王  
使以辟其君也

鄭元云司儀諸公之臣相爲國客則三積皆三辭拜受  
受者受之亏庭也侯伯之臣不致積及大夫郊勞放擯  
三辭拜辱三讓登聽命賓登堂也侯伯之臣受勞亏庭  
吳廷萼云下云凡侯伯子男之臣以其國之敵相爲客  
而相禮其儀亦如之則所謂致積登聽命者不止公之  
臣可知以周案鄭注據聘禮而言經云亦如之者明其



大判若此非一一同也下致館如初之儀同聘禮云若有言則以束帛如高禮高有庭實告請有言無庭實鄭及服虔說竝同亦非一一如高禮是其例

周官掌客設殮公侯伯子男簋同十二公簋十侯伯簋八子男簋六皆陳饗餼其灰牢如殮之陳聘禮陳饗餼堂上及東西夾簋有二十簋六上文設殮時與此堂上及西夾同則簋十四簋四又聘禮致饗餼于賓醢醢百饗米百筥掌客子男饗筥八十聘禮賓壹食再饗掌客子男一食一饗聘禮燕燕無常數掌客上公三燕侯伯再燕子男一燕賈公彥說掌客所言是君禮自上下爲叁

聘禮乃臣禮或多或少自是一法不可以彼相竝子男少亏卿大夫禮禮或損之而益此其類也以周案禮或損之而益其類固多但掌客所言多與禮經不合豆鉶之數鄭注已多補正矣

萬斯大云聘義主國待客出入三積說者謂饋之牢禮米禾薪芻之屬曰積攷聘禮賓初至館宰夫致爨是一積也聘之日使卿致饗餼是二積也此所以共其在館之積也臨行當更有饋遺以其其在道之需是三積也注疏見聘禮不言積因謂出入三積專指待上公之臣儀禮是待侯伯之臣故無積然則致爨之禮飪腥凡二

牢米禾皆二十車而薪芻倍之歸饗餼之禮飪腥餼凡  
五牢米禾皆三十車而薪芻倍之獨非積也邪以周案  
司儀掌客諸職致積之禮與致飧致饗餼皆別言之又  
曰致飧如致積之禮致饗餼如將幣之儀則致積不關  
飧餼之數可知司儀云諸公之臣相爲國客則三積而  
聘禮無致積之文鄭注云侯伯之臣不致積此說自不  
可破萬說非

鄭元說諸公相爲賓主國五積三問再勞其禮皆使卿  
大夫致之從來至太數如此也諸公之臣相爲國客則  
三積下云遂行如入之積則三積從來至太賈公彥孔

穎達說五積三問再勞來去皆有此數出入三積者謂入三積出亦三積以周案出入三積謂自入至出其所致積有三也故注云從來至去數如此賈孔謂來去皆有此數則注何爲言從至

孫希旦云司儀諸公之臣相爲國客則三積又云侯伯子男之臣以其國之賔相爲客而相禮其儀亦如之則五等之臣爲客皆有積可知矣又大行人上公出入五積侯伯四積子男三積則諸公之臣三積侯伯之臣二積子男之臣一積也以周案致積致飧皆使卿大夫致之司儀云致飧如致積之禮是其致禮同也其不使卿

大夫致而微者直陳其禮謂之設聘禮宰夫朝服設殯  
記云殯不致賓不拜謂不用致禮非無殯也侯伯之臣  
不致積與不致殯同亦非無積也聘義云主國待客出  
入三積自是又等之臣通禮但諸公之臣以禮致侯伯  
子男之臣不以禮致直使微者陳設之而已其設之之  
法亦當與宰夫朝服設殯同賈疏以有束帛謂之致不  
用束帛謂之不致侯伯之臣不致積但不以束帛行禮  
致之非亏道全無積此說甚通其據束帛言之者用鄭  
殯不致注其實當依經致皆卿大夫不致而設者士或  
說侯伯之臣無積或說侯伯之臣亦致積皆非孫氏二

積一積之說亦無據

大行人云上公介九人擯者五人諸侯介七人擯者四人子男介五人擯者三人凡諸侯之卿各下其君二等鄭元云聘義上公七介侯伯五介子男三介是謂使卿出聘之數也賈公彥云聘禮五介是侯伯之卿大聘玉人云瑑圭璋八寸璧琮八寸以覲聘上公之臣公會大夫俎實云倫膚七據子男之臣是各舉一邇而言明五等俱有是其互見爲義也以周案諸經各舉一邇注疏互相推闡是已聘禮郊勞賓指先入受亏舍門內注云不受亏堂此主侯伯之臣也公之臣受勞亏堂是鄭固

以聘禮所言爲侯伯大聘之禮矣

**鄭元**云主君公也則擯者五人侯伯也則擯者四人子男也則擯者三人孔穎達說凡待聘客及朝賓其擯數皆然若擯者五人則士爲紹擯者三人若擯者四人則士爲紹擯者二人李如圭云大行人上公擯者五人侯伯四人子男三人諸侯自相待擯數無文鄭據天子待己擯數以爲己國待賓之擯數也敖繼公云經但言上擯承擯紹擯而不言其人數則是諸侯之擯者三人而已不以己廢及朝聘者之尊卑而異所以別于天子也以周案鄭意來聘之介數旣以敵等分多寡則主國擯

數亦當依鰲等而殺之但據經文上擯承擯紹擯似止  
三人聘義文同又賓問卿下大夫擯是卿之擯者一人  
大行人云凡諸侯之卿其禮各下其君二等卿擯一人  
則主君擯宜三人矣敖氏此說不爲無見存參先鄭注  
司儀以爲擯九人不足據

鄭元云賓出次直闌西北面上擯在闌東闌外西面其  
相去也公之使者七十步侯伯之使者五十步子男之  
使者三十步此旅擯耳不傳命上介在賓西北東面承  
擯在上擯東南西面各自次序而下末介末擯旁相去  
三丈六尺上擯之請事進南面揖賓俱背賓至末介上



擯至末擯亦相去三丈六尺比揖而請事還入告于公  
天子諸侯朝覲乃命介紹傳命耳其儀各鄉本受命反  
面傳而下及末則鄉受之反面傳而上又受命傳而下  
亦如之此三丈六尺者門容二徹參个旁加各一步也  
賈公彥云注云西北東面者據賓西北望上介介仍向  
正北陳之上擯東南望承擯承擯等仍向正南陳之不  
謂介西北邪陳擯東南邪陳也云各自次序而下者賓  
之介從南向北上次下至末介主人之擯從承擯向南  
上次下至末擯東西相去三丈六尺云揖賓俱拜者謂  
上擯入向公拜北面請命出門南面遙揖賓使拜擯者

漸南行賓至末介北東面上擯至末擯南西面東西相  
去亦三丈六尺褚寅亮胡培翬說注謂末介末擯旁相  
去三丈六尺云旁者非東西正相去蓋自末擯直西至  
末介北東西相去三丈六尺末介東至末擯南亦然若  
旅擯則上擯至末擯南賓進末介北東西正對相去三  
丈六尺據此則上擯與賓親自問對其相去三丈六尺  
與末介末擯相去同故注云亦也以周案旅擯交擯之  
傳命不傳命先後鄭注不同說詳觀禮門此注公之使  
者七十步云云明賓出次而後與上擯闌東闕外遠近  
相去之位又云末介末擯旁相去三丈六尺明諸擯成

別而後與介遠近相去之位此以南北言其地袞對故  
不直言擯介之相去而曰旁又云賓至末介上擯至末  
擯亦相去三丈六尺明上擯指賓俱與與賓遠近相去  
之位此又以東西言故復舉其相去之數而曰亦賈疏  
亏此既未分明作圖者直以末介正對末擯誤矣鄭注  
又言天子諸侯朝覲命介紹傳命之異而云此三丈六  
尺者明介紹傳命其相去遠近亦如旅擯故亏此總言  
其義蓋古人傳命聽命約以六步爲節六步之內言可  
以圖也故此注竝云三丈六尺還玉節大夫升自西階  
鉤楹賓自碑內聽命蓋亦不出六步

參見宮  
室門

賈疏不明

茲義因謂末介向末擯邊受命傳與次介云此三丈六尺者卻計筭云相去一似朝覲之末擯與末介位相連接無三丈六尺之閒要誤

鄭眾云交擯三辭謂賓主之擯者俱三辭也鄭元云三辭辭其以禮來亏外也江永云旅擯三辭謂上擯以君命請事亏賓賓對一辭也主人辭不敢當而賓對二辭也主人又固辭賓又對三辭也三辭訖乃許而納賓司儀疏謂辭其以客禮當已誤矣聘禮不言三辭文不具耳如注疏說一請事卽納賓豈可如此簡略以周案司儀將幣三辭三讓竝言禮器釋其義曰七介以相見也

不然則已慤三辭三讓而至不然則已蹙禮經言三讓  
不具三辭聘義補其義曰三讓而后傳命三讓而后入  
廟門三揖而后至階三讓而后升所以致尊讓也鄭注  
云此揖讓主謂賓也三讓而後傳命賓至廟門當從太  
云鄭解三讓傳命之節正當聘禮賓至主人請事時也  
大門主人請事之時云廟門誤是也賓見主人陳擯以大客當己則三讓之不尋命乃傳其  
君之聘命也據鄭此注傳命壽之三讓卽司儀之三辭  
故賈疏三辭卽用鄭此注以爲說其不曰三辭而曰三  
讓者敝文辭猶讓也但鄭注聘義三讓主賓言注司儀  
三辭又指主人言各據一偏不及先鄭注兼賓及擯者

爲賅擯者三辭辭其以禮來賓三辭辭其以客禮待己  
如江氏說三辭爲三陳說不合辭讓解非其義胡竹村  
取其說亦未審

賈公彥云司儀諸公之臣相爲國客及將幣每門止一  
相及廟唯君相入注云唯君相入客臣也相不入矣與  
聘禮介皆入門左不同者彼云每門止一相鄭云絕行  
在後耳非是全不入廟又云唯君相入者謂君相君禮  
須入故言之臣相不拜相禮故不言入其實皆入與此  
同也以周案聘禮自及廟門納賓賓入門左介皆入門  
左北面西上至公側授宰玉裼降立止此行聘也行聘

介及眾擯皆入門故曰介皆入門左時賓執圭圭璋特  
達故不言幣自擯者出請賓裼奉束帛加璧高至公側  
授宰幣皮如入右首而束止此行高也行高之時介及  
眾擯皆亏賓降時逆出惟上擯入故曰擯者出請入告  
擯謂上擯高用束帛加璧故曰受幣司儀所言每門止  
一相及廟唯君相入者指行高言故曰及將幣將幣惟  
上相入與聘禮文本符合所異者聘禮主侯伯之臣言  
見鄭其聘高同在一日之內故高幣陳于廟門外賓之  
行高止有入廟事無每門禮司儀主諸公之臣言其聘  
高仿朝禮必在異日故將幣有三揖每門諸儀賈疏誤

以司儀將幣事爲行聘禮宜其齟齬不通胡竹村遂謂  
二經歧出當闕不必求合是亦過矣張皋文言圖介皆  
入門左沿賈疏之誤 又案夏弢甫說聘禮相皆指擯  
者言無有以介爲相者上擯近君相禮故又別之曰君  
相以殊亏眾相也此說亦似是而非司儀亏諸公相爲  
賓曰上相以別眾相亏諸公之臣相爲國客曰君相以  
別客相如以君相爲近君相禮之上擯豈眾擯非近君  
相禮者乎

敖繼公云聘禮反命曰受幣亏某宮則是不在太廟矣  
以周案太廟稱廟羣公稱宮別辭也渾言之宮廟通辭



故他邦之太廟亦可稱之爲宮何注公羊云朝聘受之  
亏太廟曰某者指所聘之國言敖說非

包咸云論語執圭爲君使聘問鄰國執持君之圭江永  
云大夫聘執瑑圭周禮有明文君之圭非臣所執包氏  
誤矣集注偶失檢承其誤以諸侯命圭釋之考工記玉  
人曰命圭九寸謂之桓圭公守之命圭七寸謂之信圭  
侯守之命圭七寸謂之躬圭伯守之是封國之時天子  
命而諸侯守之者若聘享之圭璋璧琮聘禮記明言凡  
四器者唯其所寶以聘可也則異亏命圭矣以周案聘  
圭與命圭不同江說是諸侯執封圭以朝王兩君相見

亦用之使卿大夫聘則執瑑圭瑋璧琮玉人所謂瑑圭  
瑋八寸璧琮八寸以覲聘是也賈疏云言八寸者此謂  
上公之臣若侯伯之臣宜六寸子男之臣宜四寸是各  
降其君之瑞一等也其繅命圭三采三就聘圭三采再  
就二采一就亦有別

杜預云秦伯使西乞術來聘襄仲曰重之以大器寡君  
敢辭玉大器圭瑋也不欲與秦爲好故辭玉以周案辭  
玉禮固有之聘禮擯者入告出辭玉此所謂禮辭也杜  
注以爲不欲爲好誤

鄭元云小行人合六幣圭以馬瑋以皮璧以帛琮以錦

琥以繡璜以黼六幣所以高也又等諸侯高天子用璧  
高后用琮其大各如其瑞皆有庭實以馬若皮用圭璋

當云聘義

圭璋特達亦通亏此其亏諸侯亦用璧琮耳子男

亏諸侯則高用琥璜下其瑞也凡二王後諸侯相高之  
玉大小各降其瑞一等及使卿大夫煩聘亦如之以周  
案據小行人文琮用錦聘禮高夫人元纁束帛加琮不  
用錦說者以爲避高后其實旅幣無方小行人亦言其  
大較耳聘禮記曰凡庭實皮馬相闕可也謂各隨其所  
有以相闕代也琮之用帛正同此例又聘禮高君束帛

加璧盲夫人束帛加琮皆有庭實皮則攝之戴記云圭璋特達束帛加璧亦與小行人文不合鄭注小行人云盲用璧琮皆有庭實以馬若皮據聘禮文通之見本文亦指其大較爲言是已又云二王之後尊盲用圭璋而特之此據戴記文通之竊有疑焉聘義圭璋特達專指聘言聘禮聘君以圭聘夫人以璋皆不言束帛馬皮其證也若用之亏盲雖圭璋亦不以特達故周官有六幣之文凡盲必有幣以加圭璧尙書曰盲多儀通禮然也天子聘女用圭諸侯聘女用璋亦有束帛離皮非一用圭璋卽無幣也鄭注蓋泥 又案圭以馬璋以皮馬皮

皆陳亏庭不上堂而先之以圭璋將禮故老子曰拱璧先駟馬杜注左傳謂魯賄荀偃以璧馬先鼎非

服虔云高規有璋高獻也杜預云高響也臣爲君使執璋以周案據聘禮圭璋用亏聘不用亏高據小行人六幣圭以馬璋以皮是圭璋亦有用之亏高也左氏傳高規有璋與小行人文合鄭云二王之後尊故高用圭璋是也正義云鄭氏先儒以爲朝聘之禮使執玉以授主國之君乃行高禮獻國之所有規見也謂行高禮以見主國之君也服氏訓高爲獻義同鄭氏先儒杜注破高爲響誤響亦當用璧琮禮人之玉與禮神異禮神首璧

琮次圭璋

見大禮人首圭璋

次璧琮人臣出使之玉與

在國異在國君執圭臣執璋

見顧命

出使之玉見君以圭

見后夫人以璋杜氏說出使聘覲同亏在國朝祭禮亦誤

鄭元云論語言禮有容色言獻也既聘而言用圭璧有

庭實江永云言禮用圭者惟二王後言天子鄭小行人

注云其亏諸侯亦用璧琮耳則諸侯使大夫聘而行言

必無用圭之事邢疏不能辨正集注遂承其誤以周案

江說是

舊說言禮有容色謂言獻之禮孔廣森云言與禮爲二

事禮者謂主人以醴禮賓時也既聘乃言既言乃禮既禮乃私覲以周案聘禮記誌容儀與鄉黨文合云及言發氣焉盈容卽此所謂有容色也而受禮之容色則無文是鄉黨言禮止言行言之禮爾說詳金氏禮說

論語入公門過位升堂復其位舊說是平時路復聽政之禮劉台拱據聘禮鄭注引論語文以爲行聘鄰國之禮陳壽祺據士相見禮賈疏引論語鄭注以爲將聘圖事之禮宋翔鳳又以爲擯禮以周案論語此節文次于使擯之後執圭之序皆記聘事服注左傳所謂孔氏聘辭卽謂此也舊說非過位復其位謂葵朝之臣位出降

一等謂出路寢堂降至階諸侯堂高七尺階七等如謂行聘鄰國無所謂其位如以其位爲庑門外接西塾之位出爲出庑門何以復記降等沒階劉說亦非禮賓升堂擯者退中庭賓致命擯者進至阼階西釋辭相拜未有擯昇升堂之禮宋說尤非陳氏以爲將聘圖事其說較確鄭注曲禮下卿位云卿之朝位也君出過之而上車入未至而下車疏云卿位路門之內門東北面位故鄉黨注云過位謂入門右北面君揖之位鄭注據燕禮爲說其意過位爲過卿大夫同立之位復其位爲復己所立位過位復其位皆人臣位釋宮云門屏之間謂之



白中庭之左右謂之位論語本文言位明據中庭之左  
右爲言不專以白解之故不從包注上過位不曰其位  
明據卿大夫之位爲文卽曲禮所謂下卿位之位不專  
以己所立位解之故又不從孔注孔注復其位來時所  
過之位是直以爲過  
己所立位此鄭注之精立位諸家者也聘禮君與卿圖事鄭注  
云謀事者必因朝其位君南面卿西面大夫北面士東  
面賈疏以爲在路門外正朝本誤江慎修謂下記旣受  
行出遂見宰問幾月之費注云古者君臣謀密艸枲未  
知所之遠近則圖事命使當在路寢之朝後夕幣乃在  
路門外正朝士相見禮凡燕見正方不疑君君在堂升

見無方階辯君所在鄭注云此謂特見圖事賈疏云知有圖事者論語鄉黨云孔子與君圖事于堂聘禮亦云君與卿圖事之時有此面位無常法也疏稱聘禮云者約鄭禮注文稱鄉黨者亦約鄭論語注文是鄭以圖事解鄉黨與聘禮合也

孔安國云鞠躬斂身也包咸云敬慎之至以周案鞠躬一化鞠竅鞠竅雙聲字亦化鞠竅三蒼云鞠竅敬畏兒依說文其字以鞠竅爲正其義爲敬畏之至而身不敢舒故孔云斂身非以斂訓鞠以身訓躬也先君子論語後案云篇中凡言如者皆形況之辭躡如勃如單字形

狀之也踧踖如鞠躬如重字形狀之也如近解經宜言  
躬鞠如也方與踧如勃如一例言鞠躬如則如字爲不  
辭金誠齋說執圭鞠窮更淡亏踧踖復位踧踖如卽過  
位之色勃足踧之類升堂鞠窮至屏氣似不息以視色  
勃足踧更有加

鄭元云賓致命公左還北面擯者進進阼階西釋辭亏  
賓相公拜也江永云其時擯者位在中庭從中庭進至  
阼階西經曰擯者進卽論語趨進之進不言趨者省文  
耳賓已致命公已左還北鄉將拜擯者從中庭進至阼  
階西有數十步不宜舒緩故必當趨趨則急遽或至巫

手掉臂難其容故特記容趨進必有辭見左傳者凡五  
成三季齊侯朝于晉將受玉卻克趨進襄七季衛孫文  
子來聘公登亦登叔孫穆子相趨進九季同盟于戲晉  
士莊子爲載書鄭公子騂趨進昭十二季晉侯以齊侯  
宴投壺公孫佖趨進定八季晉侯盟衛侯于鄆澤王孫  
賈趨進以周案論語趨進舊注皆不言在何時江氏據  
禮經證之是已其所引左傳又趨進惟卻克叔孫穆子  
公孫佖爲諸侯朝聘事其趨進已不在拜貺之時餘與  
朝聘無涉此外言趨進者又有成十六季范匄趨進襄  
二十三季范鞅趨進

聘禮論語皆有私覲周官司儀有私面私獻記郊特牲云朝覲大夫之私覲非禮也鄭元云其君親來其臣不敢私見亏主國君也以君命聘則有私見孫希旦云聘禮賓介皆尋私覲諸侯相朝則爲介者不敢私覲聘賓卑故介禮尋仲朝君尊故介禮從屈今乃謂不敢貳君非禮意矣周禮掌客諸侯相朝主國之卿皆尋以摯見亏朝君曷嘗以貳君爲嫌乎王引之云朝覲二字下蓋有言朝覲之禮今脫去矣大夫之私覲以下則以聘禮言之不蒙朝覲爲義鄭注強爲遷就大夫執圭而使四句相屬爲義豈尋以上二句爲聘下二句爲朝乎若云

其君親來則其臣不敢外交豈其君不來遂敢亏外交乎聘禮有賓覲而此以私覲爲非禮者議禮之家取太各異士器禮有讀贈而檀弓引曾子以讀贈爲非是其例矣以周案周官司儀亏王合諸侯及諸公相爲賓竝不言大夫私覲至諸公之臣相爲國客將幣之後乃有私面私獻鄭注郊特牲謂朝覲無私見聘則有之卽據司儀而言無可疑也記意大夫從其君朝覲無私覲國君禮此私覲以國君言故下曰諸侯之庭大夫之有私覲者聘禮也聘禮之私覲其幣出亏公家不失申信不貳君之義此文專爲三桓而發曰何爲乎諸侯之庭申明朝覲私覲之非

禮而當時有行之者如成十三年公朝京師宣伯欲賜  
請先使見王是也曰為人臣者無外交申明執圭申信  
之義而當時有因之私行者如僖廿年公子遂如京師  
遂如晉公羊譏其遂事公不尋為政莊廿五年公子友  
如陳報聘其明年遂私行蔣原仲亦人臣之外交者是  
則因朝覲而先私覲因出聘而遂私行外交皆自三桓  
始也故下文以此總結之注疏誤以外交貳君為申明  
私覲義孫王因之疑經胥失之矣

鄭元云燕則上介為賓賓為苟敬燕私樂之禮崇恩殺  
敬也苟敬者主人所以少敬也敖繼公云苟誠也實也

苟敬者國君亏外臣所莢者之稱號其類亦猶鄉飲酒  
之介遵矣以周案說詳莢饗門

賈公彥說天子待諸侯諸侯自相待及大國之孤饗會  
莢皆有幣弗酌亦以幣致之聘禮云若不親會致之以  
侑幣致饗以酬幣是親饗會之有幣可知又云莢與俶  
獻無常數不言致莢以幣則無致莢之禮親莢亦無酬  
幣若然天子諸侯莢己臣及四方卿大夫皆無酬幣孔  
穎達說據鹿鳴詩序莢聘賓當有幣以周案當從孔疏  
禮經云莢不言幣文略耳賈氏觀禮疏極辨聘賓之莢  
無幣云酒人疏亦據鹿鳴序云致莢亦以酬幣致之與



饗同是已不自信其說矣

鄭元說聘禮曰致饗以酬幣所用未聞禮幣束帛乘馬亦不是過也禮器曰琥璜齎蓋天子酬諸侯諸侯相酬以此玉將幣也崔靈恩云諸侯貴者以琥賤者以璜賈公彥云公侯伯用琥子男用璜孔穎達云公侯用琥伯子男用璜以周案禮器圭璋特爲朝聘之正玉琥璜齎爲燕饗之酬玉聘禮聘君以圭聘夫人以璋皆特也左傳虢公晉侯朝王王饗醴命之宥皆賜玉五穀是琥璜並賜也孔賈疏並非

賈公彥說私覲私面之幣皆賓介自將己物非公家所

給江永云私覲亦公家之幣但對高禮爲私耳以周案周官校人職凡國之使者其其幣馬鄭注使者所用私覲則私覲之束錦乘馬明是公家之物賈疏乃謂天子禮與諸侯異曲護己說非見君謂之私覲見卿大夫謂之私面檄文通對文異也

鄭元云還璋賄用束紡所以還聘君一說此以賄聘賓褚寅亮胡培翬說賓行舍亏郊公始贈賓此在還玉之後故知爲報聘之物若以爲賄聘賓則當在公使卿贈如覲幣之下非其次矣以周案褚胡申鄭義是

敖繼公云經云卿大夫勞賓而記云幣之所及皆勞似

異亏經且以幣不及己之故而不勞賓亦非禮意以周  
案幣之所及皆勞固屬情理之當然且以見所不及者  
勞之有嫌也鄭注闡發記意已明敖氏輕駁大繆

王士讓云聘禮有請觀之舉敖氏疑聘曰不給且議非  
禮以爲記文之誤不知此舉乃亏歸大禮之日請亏歸  
饗餼之卿以逢亏君而已非卽日觀也亦如上經賓請  
有事亏大夫非卽日問以周案吳季札聘魯請觀周樂  
晉韓起聘魯觀書亏太史氏皆其事王氏斥敖甚是  
鄭元云大夫來使無罪饗之樂與嘉賓爲禮過則餼之  
餼之腥致其牢禮也其致之之詞不云君之有故耳聘

義曰使者聘而誤主君不親饗會所以愧厲之也不言  
罪者罪將執之以周案春秋時有執他國大夫事鄭遂  
據以爲說未必古有是也其解過則餽之本諸聘義敖  
氏謂過卽上經之過邦餽卽餽之以其禮與記上下文  
不合

賈公彥云有大客後至則先客不饗會致之大客謂大  
國之卿敖繼公說大客諸侯之來朝者以周案司儀職  
諸侯相朝爲賓大夫來聘爲客聘禮賓客通傳所謂對  
文異轍文通也此亏聘客又別之曰大客敖氏以爲諸  
侯亦備一義或者因此駁賈疏謂嬰服以內聘賓不分

大小國引左傳鄭伯兼享晉曹大夫爲證未是大行人掌大賓大客之禮儀小行人籍四方之使者大客則擯小客則受其幣而聽其辭大客謂孤卿見鄭注

鄭元云古者天子適諸侯必舍亏太祖廟諸侯行舍亏諸公廟卿館亏大夫大夫館亏士士館亏工商館者必亏廟不館亏敵者之廟爲太尊也自官師以上有廟有寢工商則寢而已賈公彥云諸公大國之孤若無孤之國舍亏卿廟陳祥道云天子巡狩王人出聘館亏諸侯之廟若侯氏之朝王列國之相朝聘不必館亏廟故觀禮侯氏至天子賜舍春秋傳文公之爲盟主也崇大諸

侯之館館如公館鄭說拘矣以周案鄭注據禮經而言如館不亏廟當館亏敵者矣晉文公館王使太宰文公及內史興亏宗廟又別築諸侯之館乃春秋之制故襍記亦有公館私館之文公館者公宮與公所爲也私館者自卿大夫以下之家也公所爲謂公所作諸侯館記曲禮禮從宜使從俗鄭元云從宜事不可常也晉士匄帥師侵齊聞齊侯卒乃還春秋善之從俗亦事不可常也牲幣之類則當從俗所出以周案初學記政治部奉使類大書從宜二字注引禮記使從宜禮從俗史徵周易口訣義觀卦引先鄭注從俗所爲順民之教并引

大公封齊五月報政禮從俗玩注引士句事亦證使之從宜非證禮下云牲幣之類乃言禮之從俗也孔疏本使禮二字已誤倒當依徐史引爲是使從宜者聘禮記所謂辭無常公羊傳云聘禮大夫受命不受辭出竟有可以安社稷利國家者則專之可也禮從俗者曲禮所謂君子行禮不求變俗周官太宰以八則治都鄙六曰禮俗以馭其民禮俗謂國俗所行舊禮管子云明君在上俗無異禮變更自爲易國之成俗命之曰不牧之民

受業昭文孫同康全校  
子家簡



聘禮通故二

禮書第二十八

定海黃以周述

鄭元云史幕東鹵面讀書賈人坐撫其幣母者曰在必鹵面者欲君與使者俱見之也賈公彥云君南面使者北面故幕東鹵面讀之君與使者俱見賈人當在幕鹵東面撫之亦欲俱見之也敖繼公云史蓋幕鹵東面讀書有司北面展之吳廷萼云此經第言官下行時受圭乃言賈則夕幣無賈人可知褚賓亮云史與卿大夫同在幕東鹵面故展畢卽以書授宰如在幕鹵則必越幕而授宰矣宐從注以周案史讀書展幣五字連讀展幣

亦史也讀書者爲太史周官太史及將幣之日執書以詔王史幕東鹵面讀當依注褚說是

鄭元云上介視載者監其安處之畢乃出所受書以行爲當復展王士讓方觀承說上介視載者所受書以行二句當作一氣讀謂視所載及所受書諗其相符否也胡培翬云經未言出注補言者明上介不舍亏朝也以行謂以書入載隨行以周案以行別爲句卽記所謂受行是也經以夕幣目下事而以以行結之明使者之展幣受書卽受行事也史讀書展幣上介已同視之至此又視所載及所受書重其事也以行者以所受幣及書

而行也注監其安處之畢乃出卽記既受行出之出上介出使者亦出矣王方說胡氏駁之胡說實亦未當

**鄭元**云上介視載者安處畢乃出方苞云夕幣陳之卽載而舍亏朝明日乃可與使者同時就道也禮已受命君言不宿亏家以周案此受行非受命也受行在夕幣受命在厥明**鄭注**下厥明使者載壇受命亏朝遂行舍亏郊引曲禮君言不宿以證甚覈此注云以出卽記所謂既受行出之出是也方說不足辨胡正義引用之蓋受行受命之不同胡氏亦未審也

**鄭元**云記既受行出遂見宰問幾月之資古者君臣謀

密草剗未知所之遠近問行用當知多少而已朱熹云  
上言與卿圖事則固已知之矣此但言與宰計度資費  
之多寡而已注言未知所之非是以周案受行卽經夕  
幣之以行是也故鄭注下旣受行曰云謂晝夕幣之閒  
此注以未知釋問謂未知遠近焉爾遠近釋幾月之資  
胡正義疏此甚舛旣受行曰句胡氏駁敖申鄭尋之  
鄭元云又入取幣又入者祝也敖繼公云又入祝及主  
人也褚寅亮云祝爲取幣入主人無事不入矣此與陰  
厭之禮有別

鄭元云使者受圭同面者宰就使者北面竝受之凡授

受者授由其右受由其左吳廷璣云宰君左鹵面使者亦轉而鹵面在宰之左胡培翬云吳氏所以易注者蓋欲遷就公左之文也然受圭受命皆當北面經不直云公左而云自公左者宰鹵面本在公左今自公左至使者之右北面授之耳故云宰就也以周案胡說是授受之舛詳相見門

鄭元云既述命同面授上介述命者循君之言重失誤胡培翬云使者受命又重述之恐有失誤也或說宰述之者非

張爾岐云束帛元纁旉授幣時已授矣受享復言束帛

加璧元纁束帛加琮者以方受璧琮取其相配之物兼言之如云享時束帛上所加之璧元纁束帛上所加之琮曰盛世佐云此時惟受玉乃并束帛言之者取其相配且以別亏圭璋之無加者也張說昇之敖云復取而合諸璧琮非

鄭元云受享束帛加璧帛今之璧色繒也敖繼公云享束帛不言元纁文省耳以周案文省宜在下句不省而省上句禮無是例說詳名物門

鄭元云史元眾介之舂北面讀書褚寅亮云注云北面元向賓讀也胡培翬云周禮掌客凡介行人宰史皆有殯

饗餼賈疏史太史之屬官則此史亦非太史以周案上授幣節史讀書注云鹵面欲君與使者俱見之也此節史讀書注云北面欲對賓而讀也敖氏竝以爲東面讀非上節讀書亏君旃當是太史此史從賓而行者乃其屬也吳氏竝以爲太史讀亦非上節讀書是幣書此讀書爲誓戒之書亦異周禮掌客所言是諸侯相朝禮其所從之史當是太史魯疏以爲屬官未是胡氏引以證此亦未合

鄭元說道路淺衣未入竟壹肆不立主人不執玉敖繼公云未入竟壹肆必言朝服者嫌肆聘儀則當如聘服

也凡道路常服卿大夫則朝服士以下則元端與無韞謂不韞玉帛以周案道路常服淡衣當從鄭注此專肆聘儀聘時圭特本無帛敖說無一是

鄭元云關人問從者幾人欲知聘問且爲有司當其委積之具敖繼公云欲知其人數所以防姦人以周案鄭注以下文以介對而知有此義也使者不以從者對而止以介數對蔡氏謂不欲以餘隸煩主人是也而主人問其介數亦可知爲聘爲問矣如有防姦之意則宜以從者對敖氏不參本文而好立異說率類此

鄭元云賈人告亏上介上介告亏賓謂展夫人聘享上



介不視貶亏君也賈人旣拭璋琮南面告亏上介上介  
亏是乃東面以告賓亦所謂放而文之類敖繼公云告  
者告之以展聘享之幣玉已畢以周案敖氏以告爲告  
禮畢非專告展夫人幣其意以上云展夫人之聘享亦  
如之亦如上介視之也其實經云亦如之者亦如上拭  
圭執圭展圭拭璧展璧會幣諸儀不關上介視之在內  
凡經亏亦如之下又別言之皆明其與上異者也旣夕  
禮亏羊俎曰左脾脾不升腸五胃五亏豕俎曰亦如之  
豚解無腸胃是其例也如敖說告爲告禮畢則此文當  
還在有司展羣幣以告之下且下文以告爲告展則此

賈人告上介上介告賓亦爲告展可知賈人以展事告上介則展夫人聘享時上介不視亦可知褚氏云君之聘享上介視之夫人聘享上介不視俟賈人告而轉告亏賓羣幣則有司自展而直告亏賓墜降之義也若上介既視賈人何必再告之宜遵注告則必易其所立之向亦注義爲長

鄭元云及館展幣亏賈人之館館舍也遠郊之內有候館可以小休止沐浴盛世佐云展幣皆亏館舍非如習儀之亏墼壇也此云及館者謂卿致館之館再聘一日也次亏此者因上事而終言之以周案遠郊百里近郊

五十里遠郊之內卽近郊之五十里遺人職五十里有市市有候館注以下有賓至亏近郊之文故以遠郊之內別之

**鄭元**云賓至亏近郊君使下大夫請行請行問所之也雖知之謙不必也敖繼公云請行速之褚寅亮云尙未勞賓如何先以請行速之依注說爲尋

**鄭元**云勞者東面致命鄉賓賈公彥云賓在館如主人當入門鹵面故勞者東面向之敖繼公說賓入門卽北面秦蕙田云賓入門鹵面以在館如主人及聽命乃北面從臣禮也敖說非

敖繼公云勞者受幣蓋當門中南面賓北面授注云受送拜皆北面謂受者送者之拜皆北面也以周案鄭注兼賓勞者言敖申鄭是疏疑受爲授之誤非也鄭謂賓勞者同面受敖謂訝受說異

鄭元云僎勞者勞者指皮出東面指執皮者而出敖繼公說公會大夫禮賓北面指執庭實以出此亦北面指之褚寅亮云公會禮是對君之禮庭實爲君禮物故北面此勞者不必北面也從注爲是以周案凡臣與君行禮皆再拜稽首此賓用束錦僎勞者僎幣乃彼國之君幣故受者送者皆稽首用臣禮也則勞者指皮出用臣

禮北面指亦當敖氏據公食禮爲說似勝鄭注

鄭元云其實棗烝與棗擇兼執之以進兼猶兩也右手執棗左手執與敖繼公云左手執棗右手執與士虞禮主婦自取兩盥棗與設于會南棗在鹵足見其所執之左右矣褚寅亮云授受之法左右手各執一物者先將右手之物授人旋以兩手授左手所執者經云二手授與則是右手先授棗然後二手授與敖氏故生異說士虞禮棗在鹵何妨右手執者設于鹵左手執者設于東邪未可據以難注以周案宜從敖說凡兩手各執一物者先授左物說詳相見禮門

鄭元云下大夫勞者遂以賓入然則賓送不拜賈公彥云若公會大夫使人戒賓不拜送遂從之其類也覲禮大夫勞侯氏侯氏卽從大夫入拜送大夫天子使尊故雖從亦拜送與此異胡培翬說公會無儻禮與此異此當如覲禮亦拜送

賈公彥云卿致館賓迎再拜者賓在館如主人故先拜也卿不言荅拜荅拜可知但文略耳雖不言入言迎則入門可知卿以空拜致館旣卽退張惠言云致館經注不言入門覲禮賜舍注云受舍亏門外則受館亦亏門外可知疏以爲言迎則入門非凡以君命皆不荅拜疏

云空拜荅拜又非以周案卿不言荅拜爲將君命無拜禮也張氏駁疏是已致館如郊勞儀郊勞公之臣相爲國客登堂聽命致館亦在堂侯伯之臣受勞亏庭致館亦在庭司儀經注明言之矣張氏從赦駁疏非空拜乃空辭之誤上疏云致殯空以辭致君命

致館卿退賓送再拜宰夫朝服設殯鄭元云卿不俟設殯之畢以不用束帛致故也不用束帛致之者明爲新至非大禮也食不備禮曰殯賈公彥云致館有束帛致殯空以辭致君命無束帛致殯旣卽退不待宰夫設畢也致積在道致殯在館所致別人若致館與致殯同時

致館者兼致殯朱熹云經卿致館賓迎再拜卿致命賓  
再拜稽首此致止謂致館耳首日其事而下詳其節也  
上無殯字而但云致命注疏何以見其致殯邪胡鎬云  
注初無兼致殯之語言兼致者賈之誤耳王士讓云設  
殯乃宰夫設之則非兼致可知以周案致殯與設殯異  
致殯以束帛致之設殯直設之而已無束帛亦不以君  
命致司儀諸公之臣相爲國客致館如初之儀注云不  
言致殯者君亏聘大夫不致殯也引此記殯不致賓不  
拜爲證則鄭意固直云不致矣此云不俟設殯之畢明  
卿致命卽退之義云以不用束帛致明致殯之異亏設



殯也玩鄭注語經宰夫朝服設殯與上連文自南北朝說禮家誤以注不用束帛致數語爲解致館之文亏是分割爲兩節而有卿聘致館不以幣之說賈疏周官司儀用其義一曰聘禮致館不以幣一曰聘禮致館無束帛其疏聘禮知舊說之非而校正之亏卿致館注以上卿禮致之引覲禮注王使人以命致館無禮猶償之無禮謂無束帛此云以上卿禮明有束帛致可知其語甚審亏此仍沿舊譌二節不併反疑注亏卿退言設殯似卿致命致館兼致殯經外添說朱子駁之是也胡氏正義意欲申鄭而義甚迂曲亦由兩節之不併故也宰設

飧必朝服者雖不致命明自君來也記飧不致賓不拜  
注云不拜以不致命疏謂空以辭致君命亦非

鄭元云設飧眾介皆少牢亦飪在鹵鼎五羊豕腸胃魚  
膾新至尙飪堂上之饌四豆四簋兩鉶四壺無簋菽繼  
公云少牢五鼎羊豕魚膾膚與饋會之鼎同也此少牢  
故無堂上之饌褚寅亮云饋會是臣禮故上牲一鼎而  
腸胃從之下牲豕與膚爲二鼎玉藻及此經是人君禮  
故上牲羊與腸胃爲二鼎而下牲止一鼎以此示別豈  
尋混而同之所以然者特牲無羊止三鼎少牢有羊故  
五鼎亦不敢純同人君朔月之會也若此則正應用諸

侯禮也歸饗餼盛禮而士介無堂上之饌此亦宜無注  
所云侯訂胡培翬云上介堂上之饌本與賓鹵夾之饌  
同此則又視賓鹵夾之數減之降殺以兩也褚說似亦  
可從以周案褚說五鼎從鄭無堂上之饌從敖

記賓卽館訝將公命又見之以其摯鄭元云大夫訝者  
輒鴈士訝者輒雉吳廷萼云此掌訝耳曷尋謂卽上節  
之大夫士賈疏諸侯無掌訝說亦無據以周案此云又  
見之以其摯下云復見之以其摯復與又者皆承上之  
辭以其摯者皆不一之辭如吳說此非上節之大夫訝  
士訝別有掌訝之官則記何以云又見之天子掌訝中

士諸侯當以下士爲之士皆執雉亦何必云以其摯或  
疑主國大夫士各有職掌何尋日伺客館不知其初大  
夫訝士訝旣見賓後其待事亏客者自設專人觀掌訝  
職文可知云次亏舍門外待事亏客者掌訝也云諸侯  
有卿訝大夫有士訝臨事特設其官何嘗日待事亏客  
館參見職官門

敖繼公說記賓卽館返將公命此在卿致館之後賓旣  
將公事復見之以其摯所謂還摯也盛世佐說此當在  
賓聘享畢就館之時以周案下文賓旣將公事復見之  
以其摯鄭注公事聘享同大夫則此言賓卽館自在卿

致館之時周官掌訝職亏賓入館下卽云次亏舍門外  
是其證復見訝爲報禮以其摯是賓介之摯也各執其  
摯以相見當從注

鄭元云賓入門左公再拜南面拜迎敖繼公云公鹵面  
拜迎亏入門右之處以周案賓入門左北面故公南面  
拜迎當從注

鄭元云賓及廟門公揖先入省內事也旣則立亏中庭  
以俟賓不復出如此尋君行一臣行二亏禮可矣賈公  
彥云君行一臣行二見君行近臣行遠之義皆據大判  
而言不可細分此文出齊語晏子辭王應麟云此文見

韓詩外傳齊語無此文以周案文出晏子春秋內篇襍  
上晏子云嬰聞兩楹之間君臣有伋君行其一臣行其  
二君之來遊是以登階歷堂上趨以及伋也外傳云晏  
子聘魯上堂則趨授玉則跪孔子問之晏子對曰夫上  
堂之禮君行一臣行二今君行疾臣敢不趨乎今君之  
受幣也卑臣敢不跪乎據二書所言君行一臣行二本  
屬上堂之禮鄭弓此引之者見入門後其節亦然也張  
皋文云公立中庭疏云三分庭一柱南非也介覲注云  
北行三分庭一而東行當君乃復北行則公立當南北  
之中明矣是以注云君行一臣行二也

胡培翬云及廟門公捐入立亏中庭廟卽太祖廟上經云先君之祧是也敖氏以爲高祖以下廟非公立蓋南面敖氏以爲鹵面亦非經至此始言及廟門則上每門不尋指廟門言明矣以周案胡說是也敖氏泥亏受幣亏某宮之文遂以此廟爲羣廟說詳再卷每門之說詳宗廟門

賈公彥云賓立接鹵壑注云介在幣南北面鹵上者以上文入境展幣時布幕賓鹵面介北面東上統亏賓今此陳幣賓在門鹵北面明介北面鹵上統亏賓也以周案時賓在廟門外鹵壑之南當云門鹵東面與下鹵上

統賓句方合蓋傳寫之誤也

鄭元云上介北面受圭進鹵面授賓敖繼公云上介受圭亏其左亦東面授賓東面亏其右以周案時賓東面宜從注誦授

鄭元云公先賓升二等亦欲君行一臣行二杜預云禮登階臣後君一等以周案公先賓升二等大夫先賓升一等禮經有明文左氏襄七年傳衛孫文子來聘公登亦登叔孫穆子相趨進曰今吾子不後寡君未知所過韓非子引其事作今吾子不後寡君一等一乃二字之誤杜注沿之非也晏子春秋君行一臣行二本指上堂



兩楹閒授王之禮言今以禮經覈之公自側襲之後出至東楹東而賓自鹵楹鹵疾行至中堂東楹之閒授玉則君自東楹東至此止行其一賓自鹵楹鹵至此已行其二亏禮甚合鄭注受玉亏中堂與東楹之閒引晏子語以證是已

或說君行一臣行二祇在既曲之後當碑之壽與晏子本文未合

而賓入

門之時公已立亏中庭似無君行一臣行二可言鄭注引此者統下賓立接鹵壑爲文故曰如此尋君行一臣行二尋者將然之誓也中庭在南北之中君自中庭至階亦止行其一賓自鹵壑至階又行其二也至升階之時君與臣相筮祇二等亦無君行一臣行二可言鄭注

引此者統下賓升鹵楹鹵東面爲文故曰亦欲君行一  
臣行二亦欲者亦將然之習也公先升二等而賓升直  
至鹵楹鹵至致命後公乃左還北鄉進當楹而拜是公  
既升後尙立階上亦祇行其一賓直至鹵楹鹵又行其  
二也舊說公升階卽至東楹東旣與經左還北鄉當楹  
之文不可通公時鹵面左還而北鄉再進當楹拜非自楹東左還張圖誤并疑注行  
一行二據大判爲言非事實矣胡氏正義穆子言臣當  
徐行以後君與晏子臣當疾行以及伋意本不同而義  
悉相成臣亏初升時徐行所以尊君行一臣行二也至  
兩君相見主人先升一等賓從之授玉亏兩楹之間故

成公六年鄭伯授玉于東楹之東降同大夫士貞伯又譏其行速

鄭元云入門皇自莊盛也升堂讓謂舉手平衡也將授志趨志猶念也謂審行步敖繼公云讓謂後君升堂褚寅亮云依注說方與上文皇下文志趨一貫以周案下記云皇且行皇疾行貌賓入門時公立中庭以須曰皇不敢久君須也至堂下公先升二等曰讓不敢公登亦登也志讀如志微睢殺之志趨讀如趨數煩志之趨謂行步急促也晏子言授玉之禮曰兩楹之間君臣有伋焉君行一臣行二曰急促以及伋也此節記執圭行步

疾徐之節下節乃記執圭之容

賈公彥云授如爭承謂如與人爭接取物下如送謂聘享每訖君實不送而賓之敬如君送然敖繼公說授如爭句承下如送句郝敬說將授志句趨授如爭句以周案此記授圭之容說文爭引也引張弓也爭字从𠂇𠂇象兩手𠂇象所引之物爭承者張其兩手而上拱之古人揖法也授如爭承與上如揖之義同鄭彼注云授玉宜慎也下謂既授而下其手送謂平等授受之禮下如送與下如授之義亦同鄭彼注云不敢忘禮謂授受之禮也今解論語者以上下爲執法宜以鄭注及此記

文正之

詳經說

下云君還而後退下階發氣怡焉乃言還

而下堂賈疏以此下爲下堂還爲出廟門殊失文次敖

郝二說更鑿

鄭元云皮入右首變亏生也敖繼公云右當佗左士昏禮皮左首褚寅亮云執皮與執贊左右首异一生一死也雉象生昏禮亦象生故皆左首敖氏改經不可從

鄭元云禮不拜至以賓不亏是始至今文禮爲醴賈公彥云此文承執玉帛之下故聘時不拜至胡承珙云此謂聘享畢醴賓時事經亏聘時無拜至明文記獨言醴不拜至正見聘有拜至與經文互相備此文乃合下醴

尊亏東箱及祭醴再扱爲一節耳今文作醴義自可通  
或說士昏禮醴賓拜至記者恐人疑凡醴皆然故特明  
之

鄭元云醴賓宰夫酌以授君君不自酌尊也凌廷堪云  
考士冠禮賓醴冠者士昏禮女父醴使者皆不自酌而  
用贊者酌之至士昏禮舅姑醴婦則贊者酌之亦贊者  
授之是醴不自酌蓋禮經之通例如此以周案凌氏說  
是

敖繼公云醴賓宰夫奉几兩端以進南面授公盛世佐  
云下云公東南鄉則宰夫進几蓋鹵北鄉也以周案公

東南鄉是拂几之佐也但公卒拂而後攝之則拂時猶宰夫執之也宰夫執几而公東南鄉拂之則宰夫鹵北鄉矣盛說是

賈公彥云以柶兼諸觶尙搯坐啐醴謂并觶亏柶兩手奉之以啐敖繼公云以右手執柶并執觶也尙搯以搯向上也褚寅亮云如敖說脫空左手何用說文搯理持也蓋下奉觶而上持柶也以周案賈疏是

鄭元云賓覲不請不辭鄉時已請也敖繼公云亦擯者出請入告而出許不言者可知以周案醴賓之壽已請辭矣不必再請辭當從注

鄭元云介覲擯者報上幣出請受請亏上介也擯者先  
卽鹵面佗請之釋辭之時眾報幣者隨立門中而俟擯  
者既釋辭報眾幣者進卽佗有司乃昇委之南面優其  
復入也委皮當門又云報幣者鹵面北上擯者請受請  
亏上介也上言其次此言其佗互約文也敖繼公云出  
請受言其出爲請受也報皮者從上擯出門不俟上擯  
之釋辭卽委皮而退盛世佐秦蕙田等說上擯出時猶  
未請受也而先箸其故亏出之下亦經中之一例也上  
云請受標其目下云請受實其事敖說爲是

鄭元云賓及大門內北面將揖而出亏此可以問君上



摯往來傳君命南面敖繼公云賓東面公鹵面而問之以周案當從注賓北面將指公南面

朱熹云凡言北上者皆南陳鹵上者皆東陳此經鹵夾六豆設亏鹵墉下北上至兩簋下結云皆二以竝南陳又云六壺鹵上東陳饌亏東方亦如之鹵北上壺東上鹵陳則是東鹵之饌自簋以上皆南陳唯壺東鹵陳之疏亏東夾之豆亦云亏東壁下南陳而布置鹵夾之豆乃東陳之又以簋鏹簋皆與壺東陳不惟與經文不合而亦自相牴牾殊不可曉秦蕙田云以朱子說推之則東鹵二夾所陳六豆取北亦簋在豆南四鏹在簋南兩

簋在鉶南所謂南陳也若如楊信齋圖則豆簋鉶簋在  
鹵夾者東陳在東夾者鹵陳與經文亦不合以周案聘  
禮豆簋簋壺陳設舊說多誤竝詳會禮門

敖繼公云米百筥此從餼者也凌廷堪云簋簋之米從  
飪牢筥米從腥牢車米從生牢經例甚明下經歸上介  
饔飪腥各一牢堂上之饌六鹵夾亦如之下卽云筥及  
饔如上賓則米筥在醢醢饔之上則從饔可知米百筥  
節似非其次宜在醢醢百饔節之上絕爛在餼二牢節  
之下也胡培翬云簋簋之米係已炊爲飯者故從飪牢  
筥米係舂孰可卽炊者故從腥牢車米係畱以備用者

故從生牢釋例說似可從

秦蕙田云米禾皆以十車爲一剡米先鹵後東故曰東陳禾先東後鹵故曰鹵陳其轉則皆北鄉敖氏以東陳爲鹵轅者非以周案秦說北轉從鄭注是

盛世佐云米禾薪芻實共百二十車上介半之眾介則無通百八十車而已蓋卿行旅從非是則不足以供之也郝氏謂用車三百六十乘而以侈費詆經妄矣國之經費賓祭取鉅遇有凶荒札罌則又有般禮之義見亏掌客制禮者豈漫無撙節亏其間哉

鄭元云士介四人皆餼太牢米百筥設亏門外略之也

米設當門亦十爲別北上牢在其南鹵上李如圭云牢在米南與賓介之陳同此鹵上爲異耳褚寅亮云注鹵上恐是東上之誤以宰夫牽牛致命當近東故也以周案陳牢北面東上賓介皆同大夫餼賓太牢米八筐注亦云牲陳亏後東上此云鹵字誤褚說是記云士無饗掌客凡介皆有饗餼蓋亦君臣自相愛也聘義羣介皆有餼牢亦不言饗

時宰夫鹵面致命胡正義謂北面誤

鄭元云至亏諧讓大夫先升一等讓不言三不成三也凡升者主人讓亏客三敵者則客三辭主人乃許升亦道賓之義也使者尊主人三讓則許升矣今使者三讓

則是主人四讓也古文曰三讓敖繼公云大夫三讓而賓三辭大夫先讓者以其奉君命尊也客尊則主人不敢先讓升亏覲禮見之以周案時歸饗餼亏賓館賓爲主人也凡曰讓者客禮也皆主人爲文鄭注主人讓亏客是敖說大夫先讓是客讓主人非其義矣覲禮使者不讓先升爲使者奉王命而來算敢爲主焉故侯氏不與之讓下又云侯氏與之讓升是讓明屬主人爲文矣聘禮三讓大夫先升三讓屬賓不屬大夫故下以大夫別之鄭注誤以三讓屬大夫故以古文爲非

**鄭元**云賓問卿卿受亏祖廟祖王父也賈公彥云諸侯

受亏太祖廟大夫下君故受亏王父廟以周案祖廟亦太祖廟也鄭注似非

鄭元云賓面大夫亏賓入自階下辭迎之至庭中旋竝行敖繼公云大夫亏中庭南面辭之庭實既設亏西方大夫乃至入門右之伋揖賓而竝行以周案敖說亦備一義

敖繼公云如主人受幣禮不拜此受者非主人則亦無揖讓之禮也惟言不拜見其重者目褚寅亮云凡出迎揖讓之節皆如親見之儀特不拜耳拜卽上經聽命後降階鹵再拜稽首升成拜是也此則不可代之以周案

褚說合經義

鄭元云夫人歸禮堂上遵豆六者下君禮也設亏戶東又辟饌位也其設脯其南醢屈六遵六豆上介四豆四遵四壺四壺無稻酒也敖繼公說六豆六遵皆宜用朝事者而各去其末之二其設之之序則豆皆在鹵遵繼之而東韭菹其南醢醢屈以終醴其南蕡亦屈以終四豆四遵又從其下去其二四壺去梁酒焦以恕云鄭注放君歸饗餼經而云其設脯者謂六遵設之亏北其南醢者謂醢醢以下之六豆以次相閒交屈而設舉其一端以概全文非直六遵但用一脯六豆但用一醢可知

姜上均厝注非胡培翬云凡設饌以豆爲本敖謂豆在  
鹵邊在東其說亦確據經文二以竝則是六豆分爲三  
列六邊亦分爲三列以次向東直陳之經無屈文固不  
必以屈言耳以周案敖說從下公二說亦可通但四壺  
以黍爲下以下公之當有稻粱無黍酒

鄭元云大夫餼賓米八筐黍粱各二筐稷四筐無稻眾  
介米六筐又無粱也敖繼公云六筐蓋黍粱稷各二筐  
也褚寅亮云不在數之多少而在品之眾寡以周案君  
餼賓米用筥器小而多大夫用筐器大而寡而其品君  
用四種大夫止三種褚說申鄭甚當



鄭元云賜饗筮一尸若昭若穆容父在父在則祭祖父  
卒則祭禰腥餼不祭則士介不祭也士之初行不釋幣  
亏禩不祭可也敖繼公云云筮一尸者嫌并祭祖禩當  
異尸也尸云筮則子弟之從行者眾矣以周案如敖說  
竝祭祖禩而唯一尸則經何必言若昭若穆其解下文  
皇祖某甫皇考某子誤與此同盛庸三禘摺并竝斥之  
矣盛氏謂士介初行亦告禩與注亦異

鄭元云既致饗旬而稍宰夫始歸乘禽日如其饗餼之  
數乘謂乘行之禽也謂鴈鶩之屬其歸之以雙爲數其  
賓與上介也士中日則二雙中猶閒也不一日一雙太

寡不敬也胡培翬云如其饗餼之數每牢一雙聘義曰  
乘禽日五雙謂賓也賓饗餼五牢故五雙上介三牢則  
三雙士介一牢則一雙云其實與上介也者言乘禽日  
日歸之惟賓與上介耳若士介則閒日矣以周案鄭意  
賓與上介如其饗餼之數日日以五雙若三雙歸之士  
介一日一雙閒日又加一雙爲二雙爲日如饗餼之數  
歸之太寡不敬故也賈氏疏此未明胡氏從而行之與  
經注並不合

賈公彥云記既致饗旬而稍者賓客之道十日爲正行  
聘禮既訖合歸一旬之後或遇凶變或主人畱之不尋

時反故有稍禮周禮漿人其賓客之稍注云稍非飧饗之禮孔穎達云旬而稍謂歸大禮之後每旬而稍稍供其芻秣非一旬卽歸且諸侯朝王必待助祭祭膚齋十日明非一旬而反以周案聘既訖旬而歸常禮也有故則亦過旬遇爲朝禮之簡其禮同聘故易言遇主之禮亦曰雖旬无咎往有尚尚猶常也鄭彼注云初修禮上朝四四以匹敵恩厚待之雖畱十日不爲咎正以十日者朝聘之禮止亏主國以此爲隄聘禮畢歸大禮曰旬而稍旬之外爲稍久畱非常常釋尚義賈疏所云與鄭易注合是也史記范雎傳遷平原君書曰君幸過寡人

願與君爲十日之飲猶用古語凡聘遇常禮以旬爲期  
有吉凶禮事自尋過旬孔疏未是

鄭元云凡獻執一雙委其餘亏面執一雙以將命也其  
受之也上介受以入告之士舉其餘從之賓不辭拜受  
亏庭上介執之以相拜亏門中乃入授人上介受亦如  
之士介拜受亏門外胡培翬云拜受亏庭拜字疑衍上  
經賓三拜乘禽亏朝注云發太乃拜乘禽則此時不拜  
可知乘禽微物乃使賓日日亟拜乎以周案禮主君有  
賜皆拜受明日又拜亏其朝通例如此不尋以三拜乘  
禽亏朝遂決受禽時之不拜也他賜皆卽拜亏朝日歸

乘禽亏發時總三拜之其禮固已殺矣并受而不拜毋  
乃太簡乎

鄭元云禽羞俶獻比比放也其致之禮如乘禽俶獻四  
時珍美新物也俶始也聘義謂之時賜王引之云全經  
之例兩事相若者則云亦如之或云如某事之禮無言  
比者竊疑比字本屬下句歸大禮之日禽羞俶獻之下  
蓋有脫文以周案經蕤與羞俶獻蕤常數蕤義作蕤與  
時賜無數則羞俶獻卽時賜一事也鄭注羞一事俶獻  
一事本與蕤義不合此記云禽羞俶獻明經之俶獻謂  
之羞者專用禽也蓋曰時禽之羞謂之俶獻明不用果

祿之屬也周官庖人共賓客之禽獻卽此比及也屬下歸大禮之日爲句王說是謂有脫文非

敖繼公云賄禮主亏答其聘故不用庭實禮玉不言迎大夫文又省褚寅亮云束紡所以遷之禮玉所以報之兩事實一節事也無用出而再迎束帛乘皮卽庭實如何言不用敖氏俱誤

敖繼公云公館賓賓從請命亏朝欲親受公命也此言請命周官言拜辱亦其异者也以周案賓若欲親受公命則苟何必使上介聽命乎請命卽拜辱褚氏云質言之則曰拜辱謙不敢斥言則謂之請命

鄭元云束帛各加其庭實皮左不加亏皮上榮其多也  
敖繼公云上經云陳皮北首此皮左皮上左也故云加  
皮各重累陳之焦以恕云此禮見亏經者凡三夕幣云  
皮北首鹵上加其奉亏左皮上展幣云陳皮北首鹵上  
又拭璧展之會諸其幣加亏左皮上此陳幣云束帛各  
加其庭實皮左鹵爲上者皮上左也則三處竝同可知  
鄭元云若有獻則曰某君之賜也言此物某君之所賜  
予爲惠者也敖繼公云此爲賄禮中之物褚寅亮云此  
乃公幣外加賜之物秦蕙田云有獻謂彼國之君亏常  
禮外別有賜予故獻之如敖說則是彼國所以遺主君

者非賓之私物詎可云獻以周案秦氏斥敖甚明

鄭元云勞士介亦如之士介四人旅荅壹拜又賤也賈公彥云曲禮君亏士不荅拜此君荅士拜者以其新行反命而勞之故異亏常也敖繼公云君荅士介皆再拜褚寅亮云亏使者言荅再拜亏上介不言荅再拜而言荅拜則一拜可知亏士介言亦如之則旅荅一拜可知注皆依經立訓敖氏欲破注而先倍經矣崙士介覲而主君荅再拜者以其爲介也以周案褚氏申明經注甚當敖說不可從

鄭元云遭主國君之喪致命不亏廟就尸柩亏殯宮不



筵几又不神之敖繼公說此亦受亏廟盛世佐云此必  
受亏殯宮者有二義一則大夫方爲君持服不可以入  
廟攝行禮二則所聘者故君也雖歿而聘君之命不可  
以不達故就殯宮致命焉在使者爲不廢命在主國爲  
不灰其君也方觀承云案下文特箸夫人世子之器君  
使大夫受諸廟之文則此國君之器可知不受亏廟也  
以周案盛方申注義甚精確

經遭夫人世子之器君不受使大夫受亏廟其它如遭  
君器鄭元云其它謂禮所降賈公彥云禮所降者謂不  
禮以下不贈以上胡培翬云賈意謂君仍使人郊勞廟

受仍設筵几也然既使大夫受聘禮則報聘之賄與禮  
玉自不可闕則禮所降者不禮賓畢歸禮饗會弗親及  
不贈耳 敖繼公云此大夫廟受之禮卽記所云是也  
盛世佐云下記云若君不見使大夫受者謂君有疾及  
他哀慘之事非夫人世子器之比也其受玉之儀雖同  
而服則異彼用皮弁服此用長衣練冠如下文所云也  
敖一之非

經遭器將命亏大夫主人長衣練冠以受鄭元云謂主  
國君薨夫人世子歿也此三者皆大夫攝主人敖繼公  
說此言遭君器盛世佐說此言遭夫人世子之器孔廣

森說此遭主國有喪而行問卿大夫之禮以周案當從  
鄭注

鄭元云聘君歿赴者未至哭亏巷門未可爲伋也衰亏  
館未可以凶服出見人其聘享之事自若吉也赴者至  
則衰而出禮爲鄰國闕亏是可以凶服將事賈公彥孔  
穎達說主人所歸小禮賓可以凶服受之其正行聘享  
大事則吉服襍記云執玉不麻是也敖繼公云哭亏巷  
亦爲伋奔喪曰諸臣在他國爲伋而哭謂此時也赴者  
至則衰而出出非聘事以此見赴者之至例在聘日之  
後也吳廷萼云衰而出當以自館至朝言若入而行事

則當長衣練冠與攝主同以周案哭亏巷爲赴未至禮  
爲伋而哭是赴已至也故鄭注云哭亏巷未可爲伋衰  
而出對上衰亏館言謂可以凶服出館將事也經云出  
非必出至朝注云將事亦非將聘享之事其正行聘享  
之事赴未至自若吉服赴既至則長衣練冠輅玉不麻  
麻謂衰經純凶服也鄭注上文長衣練冠云去衰易冠  
不以純凶接純吉也則長衣練冠非純凶矣非純凶可  
以輅玉矣如賈孔疏必純吉服可以輅玉則下文歸輅  
圭復命亏殯又將何說敖說赴例在聘日後亦無稽

鄭元說遭主國君喪主人畢歸禮謂饗餼饗會賓惟饗

餼之受受正不受加聘君若歿赴者未至受禮謂受饗  
餼不受饗食亦不受加一說受禮之禮古文醴字主國  
君歿不禮賓聘君歿而赴未至則主人固請禮賓而賓  
亦受其禮記云若君不見使大夫受不禮卽上文所云  
不禮賓則此之受禮爲受其禮賓明矣下文言赴者至  
唯稍受之則此之不受者亦唯饗食亏饗餼之受不言  
又可知矣以周案記云旣致饗旬而稍饗與稍固有別  
赴未至受饗餼旣至受稍當以鄭義爲長

敖繼公云歸報圭復命亏殯亦衰而報圭也以周案報  
玉不麻自是通禮敖氏不信記言輒謂衰而報圭本不

待辨胡竹村正義信其說謂輒玉不麻是指行聘享時  
言非謂歸而復命斯亦鑿矣凡奔父母喪絜冠布淡衣  
至亏家必終其麻經帶之日數而後成服初至一哭象  
始死明日又哭象小斂又明日三哭象大斂又明日四  
哭而後服器服杖亏東序使臣在館已衰而經亏歸復  
命後曰北鄉哭日出袒括髮曰入門右卽佻踊一如奔  
喪初日哭禮與未成服者同則其復命之時當如人子  
絜冠布淡衣之例服長衣練冠與行聘享同可知矣  
賈公彥云若有私喪衰而居謂服衰居館行聘享卽皮  
弁吉服故注云不敢凶服于君之吉使或說既有私喪

當使上介攝之以周案當從賈賓介乃攝

鄭元云士介歿爲之棺斂之不具他衣物也方苞云謂爲之棺而具衣物以斂以周案爲之棺略讀方說是

左氏傳陳侯使公孫貞子弔吳及良而卒將以尸入上介半尹蓋曰事歿如生禮也亏是有朝聘而終以尸將事之禮又有朝聘而遭喪之禮吳人納之杜預云朝聘而道歿則以尸行事傳言半尹蓋知禮朱熹云禮賓已至朝主君將欲行禮賓請問之後而賓歿則以柩造朝以尸將事向令公孫貞子卒亏侯聞之後行此禮可也今卒亏竟內亦行此禮杜注以爲知禮胥失之矣以周

案禮經賓入竟而介攝其命若賓未將命則斂弓  
棺造弓朝介將命朱子此論甚覈